

Pagdumala sa Pangserbisyo nga mga Misyonaryo: Usa Ka Giya alang sa mga Tigdumala sa Operasyon

Kini nga dokumento maghatag og mubo nga kinatibuk-ang pagpasabot sa programa sa pangserbisyo nga misyonaryo ug sa inyong tahas isip tigdumala sa operasyon.

Mga Pangserbisyo nga Misyonaryo

Pipila ka takos nga young adult nga mga lalaki ug mga babaye kinsa gusto nga moserbisyo og misyon ang dili makaserbisyo og magtudlo sa ebanghelyo nga misyon. Ang pangserbisyo nga mga misyon nagtugot kanila sa pagserbisyo sa Ginoo sa uban pang makahuluganong mga paagi.

Ang pangserbisyo nga mga misyon gituyo aron mohaom sa mga abilidad sa matag pangserbisyo nga misyonaryo. Ang ilang mga kalig-on, mga talento, ug mga abilidad ikonsiderar sa pagpili sa buhat nga ilang pagahimuon.



Paghimo ug Pagbutang sa mga Posisyon sa Pangserbisyo nga Misyonaryo

Ang inyong human resources business partner [kauban nga patigayon sa tawhanong mga kapanguhaan] mahimong makigtambayayong kaninyo aron sa paghimo og plano aron matuman ang inyong mga tumong sa operasyon. Kini nga plano kinahanglang maglakip sa usa ka gisagol-sagol nga grupo sa mga empleyado, senior nga pangserbisyo nga mga misyonaryo, ug batan-ong pangserbisyo nga mga misyonaryo. Ang pangserbisyo nga mga misyonaryo usa ka maayo kaayo nga kapanguhaan nga makatabang nga makab-ot ang inyong mga tumong. Desisyoni kon hain sa mga posisyon ang ilang kabutangan. Tinoa ang mga kwalipikasyon ug mga buluhaton alang sa matag posisyon.

Ang mga lider sa pangserbisyo nga misyon maningkamot sa pagpalambo og usa ka talagsaon nga kasinatian sa misyon alang sa matag pangserbisyo nga misyonaryo. Makigtambayayong pag-ayo kanila aron sa pagtabang sa pagpahaom sa misyonaryo ngadto sa posisyon. Ang mga kandidato mahimong mobisita sa inyong dapit nga serbisyoan sa dili pa himuon ang buluhaton. Ang lider sa pangserbisyo nga misyon makigkita kanimo samtang ang misyonaryo nagserbisyo aron sa pagsiguro nga ang posisyon maayo nga pagkahaom.

Ang Kasinatian sa Misyon

Ang pangserbisyo nga mga misyonaryo nagkinahanglan nga makaangkon og usa ka makahuluganong kasinatian sa pagtrabaho. Sila nagkinahanglan usab og espirituhanong mga kasinatian. Palig-ona ang espirituhanong mga aspeto sa ilang trabaho. Awhaga sila sa pag-apil sa mga debosyonal. Awhaga usab sila sa ubang mga kalihokan nga makabayaw kanila sa espirituhanong paagi. Sunda ang mga baruganan sa Sumbanan sa Pagpangulo sa tanan ninyong mga interaksyon uban kanila.

Ang mga pagtan-aw sa mga misyonaryo sa ilang mga kasinatian kasagarang nakabase kon sila mobati nga gihatagan og bili ug gisuportahan sa manedyer, mga empleyado, ug ubang mga misyonaryo. Imong mga tahas mao ang mosunod:

1. Motakda sa mga sumbanan sa buluhaton sa pagserbisyo.
2. Modumala sa inadlaw nga buluhaton, maghatag og giya, suporta, ug pagbansay.
3. Mosiguro nga ang kahimtang luwas ug matinabangon.

4. Mohatag og makahuloganong trabaho. Kini makatabang sa pangserbisyo nga mga misyonaryo nga makapalambo og mga kahanas ug pagsalig sa kaugalingon.
5. Moawhag kanila sa pagtambong og mga debosyonal. Motugot nga sila motambong sa mga miting sa grupo sa pangserbisyo nga misyon.
6. Motugot kanila nga moapil sa pagserbisyo sa komunidad ug mga pang-edukasyon nga mga kalihokan.
7. Kon gikinahanglan, makigtambag sa mga lider sa pangserbisyo nga misyon mahitungod sa pag-uswag ug sa mga panginahanglan sa mga misyonaryo.

Mga Pangutana?

- Kontak ang inyong lider sa pangserbisyo nga misyon.
- Bisitaha ang [ChurchofJesusChrist.org/service-missionary](https://www.ChurchofJesusChrist.org/service-missionary).
- Tawaga ang Buhatan sa Pangserbisyo nga Misyon [Service Mission Office] sa Siyudad sa Salt Lake sa 1-801-240-4914 o pag-email sa support-servicemission@ChurchofJesusChrist.org.

